

اردو، پنجابی شعری مجموعہ

# طلسمِ حروف

ز ب ا ر ف ت ن ح  
س ن م ن ط ز ن ش م ی د  
س ن م ن ل م ر ن ن ا ی  
ن ن ا ل ن ی ن د ا ر ی

شاعر  
نسیم فضل نسیم

ترتیب و تدوین

غلام مصطفیٰ

اسٹنٹ ڈسٹرکٹ پبلک پرائیویٹ لیب

دارالمصادر  
DAR UL MASAADIR PUBLICATIONS

# جملہ حقوق بحق مرتب محفوظ ہیں

|                |                                                 |
|----------------|-------------------------------------------------|
| نام کتاب:      | طلسم حروف                                       |
| شاعر:          | نیم فضل نیم                                     |
| ترتیب و تدوین: | غلام مصطفیٰ<br>اسٹنٹ ڈسٹرکٹ پبلک پراسیکیوٹریہ   |
| ڈیزائننگ:      | محمد صدام انور                                  |
| سرورق:         | ذیشان عارف                                      |
| ناشر:          | دارالمصادر پبلی کیشنز                           |
| سن اشاعت:      | دسمبر ۲۰۲۵ء                                     |
| صفحات:         | ۲۵۶                                             |
| تعداد:         | ۳۰۰                                             |
| ویب سائٹ:      | www.darulmasaadir.com                           |
| ای میل:        | info@darulmasaadir.com                          |
| رابطہ نمبر:    | +92 333 422 66 44                               |
| ملنے کا پتہ:   | ۱۷۵، سکاچ کارنر، اپر مال، لاہور، پنجاب، پاکستان |

  
**دارالمصادر**  
پبلی کیشنز  
DAR-UL-MASAADIR PUBLICATIONS

## آئینہ مضامین

|    |                                 |
|----|---------------------------------|
| ۵  | انتساب                          |
| ۱۵ | ہدیہ تحسین                      |
| ۱۷ | سیپ میں موتی                    |
| ۲۱ | تقریظ                           |
| ۲۵ | پہلاں دیس روحاں دا بہشت مقام سی |
| ۲۷ | دیباچہ                          |
| ۳۳ | حرفِ نور                        |

### حصہ اول: اردو کلام: حمد و نعت

|    |                                              |
|----|----------------------------------------------|
| ۳۷ | قرآنِ خدا، قرآنِ نبی، سبحان اللہ، سبحان اللہ |
| ۳۹ | راحتوں کا ٹھکانہ مدینے میں ہے                |
| ۴۱ | وہ دن آئے کہ ہم سارے مدینے شہر کو جائیں      |
| ۴۳ | رحمت دو جہاں پہ درود و سلام                  |

- ۱۹۸ ..... لہو لہندے نیں رَ ب
- ۲۰۰ ..... پیار محبت داد ستور
- ۲۰۲ ..... رُ و پ دے گھر دا کنڈا
- ۲۰۳ ..... سچے سچن ھین تے لکھ
- ۲۰۵ ..... جے میرے وچ کجھ وڈیائی
- ۲۰۷ ..... سوہنے نیناں دی فوج
- ۲۰۸ ..... پیڑاں دل وچ
- ۲۱۰ ..... دل بوہے نوں
- ۲۱۱ ..... جیہڑے زور دے سر تے اتھے مارن دا بے
- ۲۱۲ ..... عمل کرن دے واسطے پڑھدا کوئی کوئی
- ۲۱۳ ..... چاہتاں نال مکایے نفرت
- ۲۱۵ ..... جنڈڑی مر جانی
- ۲۱۷ ..... رنگاں دے نیناں وچ
- ۲۱۹ ..... اپنی سوچ سنوار
- ۲۲۰ ..... جان کچھان داشیشہ توڑیا
- ۲۲۲ ..... روپ دا ہا ساسدے ماردا
- ۲۲۳ ..... روپ پٹولیاں نال بھری
- ۲۲۵ ..... دل دے بوہے آساں ڈیرے لائے نیں
- ۲۲۷ ..... لوڑاں کچھے نَس نَس
- ۲۲۸ ..... سدھے رستے جاندیاں بھی پئے جاندی چُک

## نعت

جہدے اُتے کرم کمایا سرکار صلی اللہ علیہ وسلم نے  
 مٹی سی تے سونا اوہ بنایا سرکار صلی اللہ علیہ وسلم نے  
 جہنوں یاد اپنی چہ پایا سرکار صلی اللہ علیہ وسلم نے  
 در اُتے اوس ٹون بلایا سرکار صلی اللہ علیہ وسلم نے  
 کاش اوہناں پتھراں چوں پتھر اک ہوندا میں  
 جہناں تائیں کلمہ پڑھایا سرکار صلی اللہ علیہ وسلم نے  
 گنہگاراں عاصیاں دے تائیں بخشان لئی  
 تاج شفاعت والا پایا سرکار صلی اللہ علیہ وسلم نے  
 نعمتاں جہان دیاں ساریاں نوں ونڈ کے  
 آپ صلی اللہ علیہ وسلم لئی کجھ نہ بچایا سرکار صلی اللہ علیہ وسلم نے  
 عرشاں توں روز نوری آندے نیں مدینے وِج  
 جنت مدینے نوں بنایا سرکار صلی اللہ علیہ وسلم نے  
 رَج رَج پیار کیتا جہناں نے حضور صلی اللہ علیہ وسلم نال  
 اوناں نوں کول اپنے لٹایا سرکار صلی اللہ علیہ وسلم نے

## ولادتِ رسول صلی اللہ علیہ وآلہ وسلم

ساریاں عظمتاں والی پگ  
 اج دھرتی ہتھ گئی جے لگ  
 مینہہ رحمت دا وسیا آج  
 ٹھنڈی ہوئی کُفر دی آگ  
 رب دے نور نوں آندیاں تک  
 ظلمتاں نسیاں آگے لگ  
 اوہ سیر کردہ نبیاں دا  
 وحدت دی مندری دا نگ  
 کنگرے قیصر و کسری دے  
 آج تے ڈول گئے ڈگ مگ  
 جس دی ہر گل رب دی گل  
 سچ تھیں بھری جہدی رگ رگ

## شہادتِ حسینؑ

خنجر، تیر، کمان تے بھالے، نیزے تے تلواراں  
 سچا اک حسین تے جھوٹے دشمن کئی ہزاراں  
 اوہ صابر سی آخری دم تک ثابت رہیا صبر وچ  
 حرص، ہوس دیاں اُس دے اُتے چلیاں لکھ تلواراں  
 مولا علی دے علم دا وارث سید فیض نبی صلی اللہ علیہ وسلم دا  
 ازلوں سی ایمان اوہدے ہتھ پھڑیاں عشق مہاراں  
 اوہدا عزم پہاڑ تے اوہدا حوصلہ اک سمندر  
 طوفاناں نوں زیر کرن شبیر دیاں لکاراں  
 سید سی تسنیم دا مالک تے کوثر دا والی  
 نہر فرات تے شامل سی وچ اوہدیاں خدمتگاراں  
 نیت کے جدوں نماز حسینؑ نے پہلا سجدہ کیتا  
 آن سلامی وتی تیراں، نیزیاں تے تلواراں

## عورتاں دے عالمی دن اُتے

مرد تے عورت ایہہ دونویں مونڈھا میل کے  
 ویلے دے چناں چہ بیڑی زندگی دی ٹھیل کے  
 آدم تے حوا دی ایہہ نسل ودھاندے نیں  
 پیار دیاں رنگاں نال دنیا سجانڈے نیں  
 زندگی دی گڈی دے جے دونویں پھپھ لکھ جی  
 پھیر وی نیں دونواں دے حقوق وکھو وکھو جی  
 مرد کماؤندا گھر عورت بناندی اے  
 ذمے داری اپنی نوں خوب ایہہ نبھاندی اے  
 عورت دا اک نیویں روپ ہوندے چار جی  
 ماں، بھیس، دھی، گھر والی سچیاں جی  
 اہدا ہر روپ جے تقاضا ایہو کردا  
 ساڈے اُتے ذمے داریاں دی پنڈ دھر دا  
 پہلا روپ بیٹی جو طوفان لکھاں نال کے  
 مایاں دی عزت نوں رکھدی سنبھال کے

## ظلم نے پاؤتی اے انھی

ظلم نے پاؤتی اے انھی کی کریئے  
ملے نہ کھان نوں چپا کھتی کی کریئے

بیدردی نے نال غماں انج پھڑیا اے  
لوہے گرم نوں پھڑے جوں سنی کی کریئے

میں خالی ہتھ پلسیاں دے ہتھ ڈنڈے سن  
جو گل اوہناں منائی مٹی کی کریئے

بے مئے جد متاں دیون لگ پیندے  
سننی پیندی وں سوئی کی کریئے

کنج آوے گی ہتھ پتنگ ہن فیشن دی  
آپ جیہنوں دتی اوہ کنی کی کریئے

## کہندیاں رہنا سائیاں سائیاں

کہندیاں رہنا سائیاں سائیاں  
ایہدے وچ نے سب وڈیاں

اوہنوں اج تک کسے نہ تکیا  
پھیر وی اوہدیاں دین دُہائیاں

بھائیاں اُتے مان نہ کریئے  
یوسف کھوہ وچ سٹیا بھائیاں

اپنے دیس دی پگھ یاد آئی  
ڈٹھیاں جد پردیس کمائیاں

گھٹ اے تاں کی، آ، رل کھائیے  
ونڈ لیئے دوچار گرائیاں

## یوم آزادی تے غزل

مانواں وارے پُت، بھائی وارے بھیناں پیاریاں  
 دیس پایا دے کے قربانیاں نیں بھاریاں  
 گھر بار کی اے اک نسل نوں وار کے  
 پائی اے آزادی لا کے خون وچ تاریاں  
 موت دیاں اکھاں وچ غازی اکھاں پانوندے  
 لائیاں نیں شہیداں ساڈے موت نال یاریاں  
 دیس دے شہیداں اِنج ویریاں ٹوں ڈکيا  
 سینے لا کے بمب چھالاں ٹینکاں اگے ماریاں  
 باطل کرے تے کرے کَنج میرا سامنا  
 مینوں لا اِلہ الا اللہ دیاں چڑھیاں خُماریاں  
 ساڈے کھیتاں پلے نیں اناج نال بھر ہوئے  
 باگاں چہ بہاراں دیاں بِن گُل کاریاں  
 بھلیں نہ توں کسے حال گُل ایہہ نسیم دی  
 صلہ قربانیاں دا ہن سرداریاں

## جان پچھان دا شیشہ توڑیا

اس پتھر نے جان کے جان پچھان دا شیشہ توڑیا  
 جہدے رُوپ دے جلویاں سانوں نبو وانگ نچوڑیا  
 اوہ تے ازلوں ہستی دے ہے اک اک شہر دا مالک  
 سوچاں دا ہر موڑ اے اوہدا اوہنوں کنھیں موڑیا  
 پہلے دُکھاں دی اگ بال کے سہے نوں تھلے لایا  
 پھیر حیاتی دیگ تھیں جیر دے کڑچھے نال گھر وڑیا  
 جہڑا روپ بہروپ دھار کے سجنائی دا پھردا  
 ہسدیاں اکھیاں تائیں اُس ہنجوواں دی نہریں روہڑیا  
 تاں اوہدے انکار دا پتھر خون و خونی ہويا  
 لکھ دلیلاں اُس دے نال سی مڑ مڑ متھا تھپوڑیا  
 ماڑے اٹھن دیویں تُوں نہ تگڑے ڈگن دیویں  
 تینوں کتھے دفن کراں گنتی دیا بہتیا تھوڑیا  
 ساڈا جوڑا پسند نہ جس تُوں اوہ مُورکھ کی جانے  
 اُس نے آپ ازل توں سب نوں جوڑا جوڑا جوڑیا

## وکھ وکھ صورتاں

وکھ وکھ صورتاں دیاں ایہہ تصویراں اپنیاں اپنیاں نیں  
 چن دے وچ تے تاریاں وچ تنویراں اپنیاں اپنیاں نیں  
 آملہ، نمبو، امب دیاں تاثیراں اپنیاں اپنیاں نیں  
 سوچ خیال تے خواب دیاں تعبیراں اپنیاں اپنیاں نیں  
 اکو ماییاں دے جایاں وچ اِیکتا دا فقدان اے تاں  
 سب دے لیکھ دیاں لکھیاں تحریراں اپنیاں اپنیاں نیں  
 اک بھرا نوں تخت اڈیکے دو جے بھیداں چار دے نیں  
 پنمبر جایاں دی وی تقدیراں اپنیاں اپنیاں نیں  
 ایس پنجاب دی ہر ماں نے جو پُت جمیا اوہ رانجھا اے  
 رانجھیاں تائیں رب نے بخشیاں ہیراں اپنیاں اپنیاں نیں  
 لیلیٰ بیٹھی محمل دے وچ مجنوں وچ ویرانیاں دے  
 حُسن دیاں تے عشق دیاں جاگیراں اپنیاں اپنیاں نیں  
 رب نے سب نوں سب کجھ دے کے اِس دنیا تے گھلایا اے  
 سب دے ہتھاں اُتے لیکھ لکیراں اپنیاں اپنیاں نیں